

**ამბროლაურის მუნიციპალიტეტის 2022 წლის 9 თვის ბიუჯეტის
შესრულების მიმოხილვა**

საშემოსავლო ნაწილი

(ათას ლარებში)

შემოსულობები შესრულებულია 83 %-ით. გეგმიური 17 749,6 ათ. ლარი, შემოსულია 14 722,7 ათ.ლარი.

მათ შორის:

1. **შემოსავლები** შესრულებულია 83 %-ით. გეგმიური 17489,6 ათ. ლარი, შემოსულია 14439,1 ათ.ლარი. აქედან:

გადასახადები შესრულებულია 98 % -ით. გეგმიური 7672,5 ათ. ლარი, შემოსულია 7529 ათ.ლარი.

მათ შორის:

- გადასახადები საქონელსა და მომსახურებაზე შესრულებულია 98 %. გეგმიური 6874,0 ათ. ლარი, შემოსავალი არის 6769,0 ათ ლარი. (დამატებითი ღირებულების გადასახადი).
- ქონების გადასახადი შესრულებულია 95 %-ით. გეგმიური 798,5 ათ. ლარი, შემოსავალი არის 760,4 ათ. ლარი.

გრანტი ცენტრალური ბიუჯეტიდან შესრულებულია 69 %-ით. გეგმიური 9187,3 ათ. ლარიდან, ათვისებულია 6329 ათ. ლარი. აქედან:

1. **სხვა შემოსავლები** შესრულებულია 92 %-ით. გეგმიური 629,8 ათ. ლარი, შემოსულია 581,2 ათ. ლარი. მათ შორის:

- შემოსავლები საკუთრებიდან შესრულებულია 82 %-ით. ნაცვლად გეგმიური 389,0 ათ. ლარისა, შემოსულია 320,5 ათ. ლარი.
- შემოსავლები საქონლისა და მომსახურების რეალიზაციიდან შესრულებულია 126%-ით. ნაცვლად გეგმიური 68,8 ათ. ლარისა, შემოსულია 86,6 ათ. ლარი.
- სანქციები, ჯარიმები და საურავები შესრულებულია 101%-ით. გეგმიური 157,0 ათ. ლარისა, შემოსულია 157,8 ათ. ლარი.
- ტრანსფერები რომელიც სხვაგან არ არის კლასიფიცირებული შესრულებულია 108%-ით. ნაცვლად გეგმიური 15,0 ათ. ლარისა, შემოსულია 16,3 ათ. ლარი.

2. **არაფინანსური აქტივების კლება** შესრულებულია 109 %-ით. ნაცვლად გეგმიური 260,0 ათ. ლარისა, შემოსულია 283,5 ათ. ლარი.

ამბროლაურის მუნიციპალიტეტის ბიუჯეტის გადასახდელები

ამბროლაურის მუნიციპალიტეტის გადასახდელების გეგმა შესრულებულია 77 %-ით. გეგმა 19 139,8 ათ ლარი, ფაქტიური შესრულება 14 671,0 ათ.ლარი.

1. ხარჯები ათვისებულია 91 %-ით. გეგმიური 8401,6 ათ.ლარი, შესრულება შეადგენს 7612,3 ათ.ლარს.

მათ შორის:

დასახელება	გეგმა	ხარჯი	პროცენტი
შრომის ანაზღაურება	2031,9	1810,2	89
საქონელი და მომსახურება	1882,5	1603,1	85
პროცენტი	30,8	28,2	92
სუბსიდია	3597,0	3436,7	96
სოციალური უზრუნველყოფა	534,4	470,0	88
სხვა ხარჯები	325,0	264,1	81
არაფინანსური აქტივების ზრდა	10684,2	7004,9	66
ვალდებულების კლება	54,0	53,9	100

პრიორიტეტი - 01 00 მმართველობა და საერთო დანიშნულების ხარჯები

სულ შესრულებულია 89 %-ით. გეგმიური 3048,0 ათ.ლარი, ათვისებულია 2714,0 ათ. ლარი.

პროგრამები:

01 01 საკანონმდებლო და აღმასრულებელი ხელისუფლების საქმიანობის უზრუნველყოფა

სულ შესრულებულია 89 %-ით. გეგმიური 2961,0 ათ.ლარი, ათვისებულია 2632,0 ათ. ლარი. მათ შორის:

➤ **01 01 01 მუნიციპალიტეტის საკრებულო**

სულ შესრულებულია 83 %-ით . გეგმიური 850,0 ათ.ლარი, ათვისებულია 709,4 ათ. ლარი. ხარჯები ათვისებულია 82 %-ით . გეგმიური 772,1 ათ.ლარი, ათვისებულია 632,0 ათ. ლარი.

➤ **01 01 02 მუნიციპალიტეტის მერია**

სულ შესრულებულია 91 %-ით. გეგმიური 2050,3 ათ.ლარი, ათვისებულია 1872,0 ათ. ლარი. ხარჯები ათვისებულია 91 %-ით. გეგმიური 1947,0 ათ. ლარი, ათვისებულია 1776,2 ათ. ლარი.

➤ **01 01 03 სამხედრო აღრიცხვისა და გაწვევის სამსახური**

სულ შესრულებულია 83 %-ით. გეგმიური 60,7 ათ.ლარი, ათვისებულია 50,5 ათ. ლარი. ხარჯები ათვისებულია 86 %-ით. გეგმიური 58,9 ათ.ლარი, ათვისებულია 50,5 ათ. ლარი.

01 02 საერთო დანიშნულების ხარჯები

სულ შესრულებულია 94 %-ით. გეგმიური 87,3 ათ.ლარი, ათვისებულია 82,1 ათ. ლარი.

➤ **01 02 01 სარეზერვო ფონდი** გეგმა 20,0 ათ. ლარი. ათვისებულია 19,1 ათ. ლარი. მათ შორის:

1. სოფ. ლიხეთში ხანძრით დაზარალებული ოჯახისათვის პირველადი სასურსათო პაკეტის შესაძენა - 394 ლარი.
2. უკრაინაში საომარი მოქმედებების შედეგად დაზარალებული მოსახლეობისათვის სურსათისა და ჰიგიენური საშუალებების შეძენა და ტრანსპორტირება - 4990 ლარი.
3. უპატრონო მიცვალებულის დაკრძალვა - 1000 ლარი.

4. სოფ. ნიკორწმინდაში დაზიანებული წყალსადენის მაგისტრალის შესაკეთებლად - 12 746 ლარი;

➤ **01 02 02 წინა წლებში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა** გეგმა 1,6 ათ.ლარი, ხარჯვა არ განხორციელებულა.

➤ **01 02 03 მუნიციპალიტეტის ვალდებულებების მომსახურება და დაფარვა** შესრულებულია 97 %-ით. გეგმიური 84,8 ათ.ლარი, ათვისებულია 82,1 ათ. ლარი.

პროცენტი შესრულებულია 92 %-ით. გეგმიური 30,8 ათ. ლარი, ათვისებულია 28,2 ათ. ლარი.
ვალდებულებების კლება შესრულებულია 100,0%-ით. გეგმიური 54,0 ათ. ლარი, ათვისებულია 53,9 ათ. ლარი.

პრიორიტეტი - 02 00 ინფრასტრუქტურის განვითარება სულ შესრულებულია 70 %-ით. გეგმიური 11360,1 ათ.ლარი, ათვისებულია 7943,2 ათ. ლარი.

02 01 საგზაო ინფრასტრუქტურის განვითარება

სულ შესრულებულია 70 %-ით. გეგმიური 3705,0 ათ.ლარი, ათვისებულია 2594,0 ათ. ლარი.
აქედან:

➤ **02 01 01 გზების მოვლა-შენახვა და მიმდინარე შეკეთება** შესრულებულია 78 %-ით. გეგმიური 420,0 ათ.ლარი, ათვისებულია 328,3 ათ. ლარი.

საანგარიშო პერიოდში პროგრამის ფარგლებში სამუშაოები ჩატარდა მუნიციპალიტეტის 61 სოფელში, შეკეთებული იქნა დაახლოებით 230 კილომეტრამდე გზა. სტიქიური პროცესების გამო რამდენჯერმე მოხდა ერთიდაიგივე სოფელში შესვლა. სამუშაოების წარმოება მიმდინარეობს სოფლების საჭიროებებიდან გამომდინარე მოთხოვნების შესაბამისად.

➤ **02 01 02 გზების კაპიტალური შეკეთება** შესრულებულია 69 %-ით. გეგმიური 3285,0 ათ.ლარი, ათვისებულია 2265,4 ათ. ლარი.

პროგრამის ფარგლებში განხორციელდა შემდეგი ღონისძიებები:

- დასრულდა სოფ. კაჩეთის შიდა საუბნო გზის რეაბილიტაციის სამუშაოები, მოწყობილია 2კმ ასფალტობეტონის საფარი;
- დასრულდა სოფ. კლდისუბნის გზების რეაბილიტაციის სამუშაოები. მოწყობილია 2,8 კმ ასფალტობეტონის საფარიანი გზა;
- დასრულდა სოფ. სადმელის შიდა სასოფლო გზების რეაბილიტაციის სამუშაოების პირველი ეტაპი, მოწყობილია 2,3 კმ ბეტონის საფარიანი გზა;
- დასრულდა სოფ. ძირაგეულის სასოფლო გზის რეაბილიტაციის სამუშაოები, მოწყობილია 0,45 კმ ასფალტობეტონის საფარიანი გზა;
- დასრულდა სოფ. ჭყვიშის გზის რეაბილიტაციის სამუშაოები, მოწყობილია 1,8 კმ ბეტონის საფარიანი გზა;

თანხის ათვისებლობა ძირითადად გამოწვეულია შემდეგი გარემოებებისაგან:

სოფ. სხვაგისა და სოფელ ხოტევის სასოფლო გზის რეაბილიტაციის პირველი რიგის სამუშაოებზე გამოცხადებული ტენდერი არ შედგა პირველ ჯერზე, გამოცხადებულია განმეორებითი ტენდერი.

სოფ. წესის, სოფ. ნიკორწმინდისა და სოფ. ჟოშხის სასოფლო გზის რეაბილიტაციის სამუშაოებზე ხელშეკრულებები გაფორმდა სექტემბრის თვეში, მშენებლებს ავანსი არ გაუტანიათ.

სოფ. პირველი ტოლის სასოფლო გზის რეაბილიტაციის სამუშაოებზე მიმდინარეობს შესყიდვის პროცედურები;

სოფ. იწაში შიდა სასოფლო გზების რეაბილიტაციის სამუშაოები დასრულდა სექტემბრის ბოლოს, მიმდინარეობს მიღება-ჩაბარების პროცედურები;

02 02 წყლის სისტემების განვითარება

სულ შესრულებულია 73 %-ით. გეგმიური 507,2 ათ.ლარი, ათვისებულია 371,5 ათ. ლარი.

აქედან:

➤ **02 02 01 წყლის სისტემის რეაბილიტაცია და ექსპლოატაცია** შესრულებულია 96 %-ით. გეგმიური 327,6 ათ.ლარი, ათვისებულია 313,5 ათ. ლარი. მათ შორის:

➤ **02 02 01 01 წყლის სისტემის მიერ მოხმარებული ელექტროენერჯის ხარჯი** შესრულებულია 100 %-ით. გეგმიური 75,1 ათ.ლარი, ათვისებულია 75,1 ათ. ლარი.

პროგრამის ფარგლებში ფინანსდება წყლის სატუმბი სისტემების მიერ მოხმარებული ელ.ენერჯის ხარჯი.

➤ **02 02 01 02 წყლის სისტემების მოვლა-პატრონობა** შესრულებულია 94 %-ით. გეგმიური 252,5 ათ.ლარი, ათვისებულია 238,4 ათ. ლარი.

პროგრამის განმახორციელებელია ა(ა)იპ მუნიციპალური წყალმომარაგების მოვლა-შენახვის ცენტრი, რომლის ძირითადი ფუნქციაა მუნიციპალიტეტის სოფლებში უკვე არსებული წყლის ცენტრალური მაგისტრალის წერტილოვანი შეკეთება. სოფლების წყალმომარაგების სისტემის ცენტრალური მაგისტრალისა და შიდა ქსელის საერთო სიგრძე აღემატება 410 კმ. საანაგარიშო პერიოდში თითქმის ყოველდღიურად ახორციელებდა სამსახური სხვადასხვა სოფლებში წყალსადენის ქსელის აღდგენით სამუშაოებს. პეროდულად ა(ა)იპ ახდენს წყლის მაგისტრალის შემოვლა-შემოწმებას. საანაგარიშო პერიოდში მოხდა 381 გასვლა და შეკეთება მილსადენებისა და წყლის სათავე-ნაგებობების

➤ **02 02 02 წყლის სისტემების რეაბილიტაცია** შესრულებულია 32 %-ით. გეგმიური 179,6 ათ.ლარი, ათვისებულია 58,0 ათ. ლარი.

პროგრამის ფარგლებში ხდება დაზიანებული წყლის სისტემების მიმდინარე შეკეთება საჭიროებისამებრ. მუნიციპალიტეტის სოფელ ბაჯის, სოფელ გორისა და სოფელ ხონჭიორის წყალმომარაგების სისტემის მოწყობის სამუშაოებზე ტენდერი პირველ ჯერზე არ შედგა, გამოცხადებულია განმეორებითი ტენდერი.

02 03 „გარე განათება“ სულ შესრულებულია 96 %-ით. გეგმიური 478,4 ათ.ლარი, ათვისებულია 459,0 ათ. ლარი.

მათ შორის:

02 03 01 გარე განათების ქსელის ექსპლოატაცია შესრულებულია 97 %-ით. გეგმიური 475,2 ათ.ლარი, ათვისებულია 459,0 ათ. ლარი.

მათ შორის:

➤ **02 03 01 01 გარე განათების ქსელი მოხმარებული ელექტროენერჯის ხარჯის ანაზღაურება** შესრულებულია 95 %-ით. გეგმიური 325,0 ათ. ლარი, ათვისებულია 309,6 ათ. ლარი.

➤ **02 03 01 02 გარე განათების ქსელის მოვლა-პატრონობა** შესრულებულია 99 %-ით. გეგმიური 150,3 ათ.ლარი, ათვისებულია 149,3 ათ. ლარი.

პროგრამის განმახორციელებელია ა(ა)იპ დასუფთავებისა და კეთილმოწყობის სამსახური. მუნიციპალიტეტის მთელ ტერიტორიაზე განლაგებულია 5775 ერთეული სანათი წერტილი, მათ შორის ქალაქ ამბროლაურში 2880, ხოლო სოფლებში 2895 სანათი წერტილი, მათი გამართული

ფუნქციონირებისათვის საანგარიშო პერიოდში სამსახურმა განახორციელა შემდეგი სამუშაოები. შეიცვალა: 421 ცალი ლედნათურა; 395 ცალი სხვადასხვა სიმძლავრის ნათურა; 1650 მეტრი ელ.სადენი; 55 ცალი ელ. ჩამრთველი; 21 ცალი ელ. გამშვები; 264 ცალი ლედ ლამპიონი; 42 ცალი ფოტორელე; 83 ცალი ლამპიონი; 36 ცალი კაბელის ჩამჭერი; 41 ცალი დროსელი; 83 ცალი პროექტორი; 38 ცალი იგნიტორი; 12 ცალი რკინის ბოძი; 4 ცალი ადაპტერი; 135 ცალი კლიმნიკი; 5 ცალი მრიცხველი; 8 ცალი მრიცხველის ყუთი.

02 06 კეთილმოწყობის ღონისძიებები შესრულებულია 64 %-ით. გეგმიური 5322,0 ათ.ლარი, ათვისებულია 3382,1 ათ. ლარი.

პროგრამის ფარგლებში ხორციელდება შემდეგი პროექტები, რომლებზეც საკასო შეუსრულებლობა გამოიწვია შემდეგმა პირობებმა:

- ქ. ამბროლაურში ბრატისლავა - რაჭის ქუჩის კეთილმოწყობის პირველი ეტაპის სამუშაოები დასრულდა სექტემბრის ბოლოს, საბოლოო შესრულების ანგარიშის მომზადებისათვის გადაცემულია საზედამხედველო კომპანიაზე;
- ქ. ამბროლაურში მახალდიანის ქუჩის მიმდებარე სანაპიროს კეთილმოწყობის სამუშაოების პროექტის ცვლილება განხორციელდა და გაიზარდა მოწოდების ვადა. სამუშაოები მიმდინარეობს;
- ამბროლაურის მუნიციპალიტეტის ტერიტორიაზე არსებული 8 ერთეული წყაროს თვალის სარეაბილიტაციო სამუშაოებზე განხორციელდა პროექტის ცვლილება, გაიზარდა მოწოდების ვადა, შესაბამისად საბოლოო ანაზღაურების განხორციელება ვერ მოხდა საანგარიშო პერიოდში.

02 07 სოფლის მხარდაჭერის პროგრამა შესრულებულია 90 %-ით. გეგმიური 795,0 ათ.ლარი, ათვისებულია 717,1 ათ. ლარი.

ხელშეკრულებები გაფორმებულია 69 სოფლის პროექტზე. აქედან 01 ოქტომბრის მდგომარეობით დასრულებულია 61 პროექტი.

02 08 სანიაღვრე არხების, სარწყავი არხების და ნაპირსამაგრი ნაგებობების მშენებლობა რეაბილიტაცია შესრულებულია 86 %-ით. გეგმიური 130,0 ათ.ლარი, ათვისებულია 112,0 ათ. ლარი.

პროგრამის ფარგლებში მოხდა წინა წელს წარმოქმნილი ვალდებულებების დაფარვა და ქუთაისის სააპელაციო სასამართლოს სამოქალაქო საქმეთა პალატის გადაწყვეტილების აღსრულება (შპს „ლამოდერნას“ სარჩელის ნაწილობრივ დაკმაყოფილება, 32519 ლარით).

02 09 რეგიონალური პროექტების პროექტირებისა და ტექნიკური ზედამხედველობის დაფინანსება შესრულებულია 68 %-ით. გეგმიური 289,0 ათ.ლარი, ათვისებულია 197,3 ათ. ლარი.

პროგრამის ფარგლებში თანხების გაცემა ხდება დადასტურებული შესრულების მიხედვით, ვინაიდან პროექტები კლიმატური პირობების გამო გვიან დაიწყო არ იყო სათანადოდ დადასტურებული შესრულებები, ამასთანავე პროექტის ზოგიერთმა ავტორმა საპროექტო დოკუმენტაციის მოწოდება სახელშეკრულებო ვადებში ვერ უზრუნველყო, ზოგი მიმდინარეა.

- სოფ. ბაჯში სვანიძეების უბნის წყალსადენის საპროექტო დოკუმენტაცია - პროექტი ჩაბარებულია;
- ქ. ამბროლაურში კოსტავას N20 ში მდებარე შენობის საპროექტო დოკუმენტაციის შედგენა - პროექტი ჩაბარებულია;
- ქ. ამბროლაურში ბრატისლავა რაჭის ქუჩის მრავალბინიანი საცხოვრებლების საპროექტო დოკუმენტაციის შედგენა - პროექტი ჩაბარებულია;
- ბარაკონის მიმდებარე ტერიტორიაზე საფეხმავლო ხიდის, ხიდიკრის ხიდის განათების და ამფითეატრის საპროექტო დოკუმენტაციის შედგენის პროექტზე გადაიწია ხელშეკრულების ვადა, შესაბამისად მოწოდება ვერ მოხდა საანგარიშო პერიოდში;

- სოფელ ზედა ღვარდიის სასოფლო გზების რეაბილიტაციის სამუშაოების საპროექტო-სახარჯთაღრიცხვო დოკუმენტაციის შედგენა. პროექტირება მიმდინარეა.
- ქალაქ ამბროლაურში არსებული აგრარული ბაზრის სარეაბილიტაციო სამუშაოების საპროექტო სახარჯთაღრიცხვო დოკუმენტაციის" შესყიდვა. პროექტირება მიმდინარეა.
- ქალაქ ამბროლაურში მდინარე კრიხულაზე რ/ზეტონის დამცავი ჯებირის მოწყობის სამუშაოების საპროექტო - სახარჯთაღრიცხვო დოკუმენტაციის შედგენა - პროექტირება მიმდინარეა.

02 10 სატრანსპორტო მომსახურება შესრულებულია 81 %-ით. გეგმიური 119,4 ათ.ლარი, ათვისებულია 97,0 ათ. ლარი.

პრიორიტეტი - 03 00 დასუფთავება და გარემოს დაცვა შესრულებულია 97 %-ით. გეგმიური 773,0 ათ.ლარი, ათვისებულია 752,0 ათ. ლარი.

პროგრამები:

- **03 01 დასუფთავება და ნარჩენების გატანა** შესრულებულია 97 %-ით. გეგმიური 719,0 ათ.ლარი, ათვისებულია 698,3 ათ. ლარი.

პროგრამის განმახორციელებელია ა(ა)იპ დასუფთავებისა და კეთილმოწყობის სამსახური, რომელიც საანგარიშო პერიოდში ინტენსიურად ახორციელებდა ქალაქის ქუჩების (66351 მ²), ტროტუარების (10125 მ²), გაზონებისა (5855 მ²) და სკვერების (19293 მ²) დასუფთავებას; სანიაღვრე არხების წმენდასა და ნარჩენების გატანას, როგორც ქალაქიდან ასევე მუნიციპალიტეტის სოფლებიდან (67 სოფელი) სულ განთავსებულია 690 ერთეული ნაგვის კონტეინერი. ქალაქ ამბროლაურის გარდა მუნიციპალიტეტის 3 სოფელში (წესი, ნიკორწმინდა, ჭრებალო) ხორციელდება ცენტრალური მოედნებისა და საზოგადოებრივი საპირფარეშოების დასუფთავება.

- **03 02 მწვანე ნარგავების მოვლა-პატრონობა, განვითარება** შესრულებულია 99 %-ით. გეგმიური 54,0 ათ.ლარი, ათვისებულია 53,5 ათ. ლარი.

პროგრამის განმახორციელებელია ა(ა)იპ დასუფთავებისა და კეთილმოწყობის სამსახური, რომელმაც საანგარიშო პერიოდში განახორციელა შემდეგი სახის სამუშაოები: მოიჭრა და დასაწყობდა მუნიციპალიტეტის სხვადასხვა სოფლებში 34 ძირი ზეხმელი ხე; 5 სოფელში გაიკაფა სავალ გზაზე ხეები, რომლებიც გაუვალს ხდიდა გზის ნაწილს ნაგავმზიდი მანქანებისათვის; შემოიბარა ქალაქის ტერიტორიაზე ნერგები და შეეთეთრდა ქალაქის ცენტრალურ ქუჩებზე და აეროპორტის ტერიტორიაზე არსებული 300 ძირამდე ხე; გაიკრიჭა სკვერებში არსებული ბუჩქები და შეიწამლა ბზის გაზონები; გაითიბა ქალაქის ტერიტორიაზე არსებული გაზონები და სკვერები დაახლოებით 6800 მ²; დაითესა კოინდარი 180 მ² ფართობზე; დაირგო 15 ძირი ცაცხვის ნორჩი ხე; ხორციელდება მუნიციპალიტეტის საკუთრებაში არსებული 1595 ჰა ტყის მასივების პერიოდული შემოწმება-დათვალიერება.

პრიორიტეტი - 04 00 განათლება შესრულებულია 87 %-ით. გეგმიური 1302,2 ათ.ლარი, ათვისებულია 1133,0 ათ. ლარი.

პროგრამები:

- **04 01 სკოლამდელი დაწესებულებების ხელშეწყობა** შესრულებულია 95 %-ით. გეგმიური 865,5 ათ.ლარი, ათვისებულია 819,4 ათ. ლარი.

მუნიციპალიტეტში ფუნქციონირებს 14 საბავშვო ბაღი; ამბროლაურის საბავშვო ბაღშია 5 ასაკობრივი და ერთი შერეული ჯგუფი; სოფელ ჭრებალოს საბავშვო ბაღში ფუნქციონირებს ორი

ასაკობრივი ჯგუფი, დანარჩენი საბავშვო ბაღები დაკომპლექტებულია შერეული ჯგუფებით, სადაც სწავლება მიმდინარეობს განათლებისა და მეცნიერების სამინისტროს მხარდაჭერით მომზადებული 2-დან 5 წლამდე ასაკის ბავშვის განვითარების სტანდარტებზე დაყრდნობით შემუშავებული სასწავლო-სააღმზრდელო ერთიანი პროგრამით, რომლის მეთოდოლოგიად გამოყენებულია თემატური სწავლება. უფროსი ასაკობრივი ჯგუფის აღსაზრდელები გაერთიანებული არიან სასკოლო მზაობის ჯგუფებში, რომელიც ფუნქციონირებს ყველა საბავშვო ბაღში, სადაც მუშაობა მიმდინარეობს ახალი პროგრამის მიხედვით. პროგრამის საფუძველს წარმოადგენს ახალი სასკოლო მზაობის საგანმანათლებლო სახელმწიფო სტანდარტი, რაც გულისხმობს საბავშვო ბაღებში ბავშვის მრავალმხრივი განვითარების შესაბამისი სააღმზრდელო პროცესის ზუსტად დაგეგმვას: მეთოდოლოგიურ რესურსს, სააღმზრდელო პროცესის ორგანიზებას, სპეციალურ ინსტრუქცია-რეკომენდაციებს და მატერიალურ-ტექნიკური ბაზის სათანადო მოწყობას. საბავშვო ბაღებში პატარებს უტარდებათ ცეკვის, მუსიკის აქტივობები. გაზაფხულის სეზონის დადგომასთან შემაჯამებელ აქტივობების ფარგლებში, მუყაოს ფერადი ქაღალდებითა და დეკორატიული თიხით ჯგუფები ყვავილების აპლიკაციებით და დეკორაციებით გააღამაზეს. უფროსი ჯგუფის აღსაზრდელები ჩართული არიან სასკოლო მზაობის პროგრამაში, რაც უმნიშვნელოვანეს დამაკავშირებელ რგოლს წარმოადგენს ბაღსა და სკოლას შორის, რომელმაც ხელი უნდა შეუწყოს ბავშვის წარმატებით გადასვლას ნაკლებად ფორმალური გარემოდან შედარებით ფორმალურ გარემოში. სააღმზრდელო დაწესებულებაში შემავალ საბავშვო ბაღების სასკოლო მზაობის ჯგუფები 2022 წელს 95-მა აღსაზრდელმა დაამთავრა. გამოსაშვები ღონისძიებები თითოეულ ბაღში მხიარული თეატრალური წარმოდგენებით, ლექსებითა და სიმღერებით გაიმართა.

- **04 03 განათლების ღონისძიებები** შესრულებულია 29 %-ით. გეგმიური 38,0 ათ. ლარი, ათვისებულია 11,0 ათ. ლარი.

პროგრამის განმახორციელებელია მუნიციპალიტეტის მერიის განათლების, კულტურის, ძეგლთა დაცვის, სპორტისა და ახალგაზრდობის საქმეთა სამსახური. პროგრამა ითვალისწინებს მუნიციპალიტეტში მცხოვრები განათლების სფეროს წარმომადგენელთათვის საპატიო წოდებების მინიჭებას და/ან ფულადი ჯილდოების გადაცემას; მუნიციპალიტეტში მცხოვრები უმაღლესი საგანმანათლებლო დაწესებულების პირველი კურსის სტუდენტთათვის (სოციალურად დაუცველი ოჯახებიდან - 65001 ქულამდე) სწავლის საფასურის ანაზღაურებას.

პროგრამის ფარგლებში დაფინანსებულია 3 სოციალურად დაუცველი პირველ კურსელი.

- **04 04 ა(ა)იპ ამბროლაურის მოსწავლე-ახალგაზრდობის ცენტრის** ბიუჯეტი შესრულებულია 100 %-ით. გეგმიური 131,3 ათ.ლარი, ათვისებულია 130,7 ათ. ლარი.

დაწესებულებამ წარმატებით განახორციელა კულტურულ-მემკვიდრეობითი ღონისძიებები: „მოაზროვნე“; „ვკითხულობთ თანამედროვე მწერლობას“, „მველი დიდების ნაკვალევზე“; „რა სამშობლო გვქონია“; ჩატარდა კონკურსი „მოაზროვნე“, რომელშიც მონაწილეობა მიიღო მუნიციპალიტეტის საჯარო სკოლების მესამე საფეხურის 100-მდე მოსწავლემ; „ვკითხულობთ თანამედროვე მწერლობას“ ფარგლებში გაიმართა მწერალ გივი ჩიღვინაძის შემოქმედებითი სადამო; პროექტ „მველი დიდების ნაკვალევზე“ ფარგლებში მოსწავლე-ახალგაზრდობის ცენტრის მემკვიდრეობითი ჯგუფის წევრებმა იმოგზაურეს თურქეთში, ოთხი დღის განმავლობაში ჯგუფის წევრებმა მოიარეს: ისტორიული ქალაქი ტრაბზონი; ალტინდერეს ეროვნული პარკი; სუმელას სამონასტრო კომპლექსი; მცირე აია-სოფია; ბოზტეფეს გორაკი; ათათურქის პავილიონი და უზუნგოლის ტბა. მემკვიდრეობითი ჯგუფის წევრებმა პროექტის „რა სამშობლო გვქონია“ ფარგლებში იმოგზაურეს იმერეთის და სამცხე-ჯავახეთის მხარეში, სადაც მოინახულეს: კურორტი საირმე, ზეკარის უღელტეხილი, დაბა აბასთუმანის რომანოვების სასახლე, დედათა მონასტერი და წმინდა პანტელეიმონ მკურნალის ეკლესია, აბასთუმანის ასტროფიზიკური ობსერვატორია, ბორჯომის მხარეთმცოდნეობის მუზეუმი. აქტიური მუშაობა მიმდინარეობს პროექტ „მწიგნობარის“ წარმატებით ჩასატარებლად.

- **04 05 საჯარო სკოლების ხელშეწყობა** შესრულებულია 64 %-ით. გეგმიური 267,3 ათ.ლარი, ათვისებულია 171,6 ათ. ლარი.
აღნიშნული პროგრამით განხორციელდა შემდეგი პროექტები:

- ქალაქ ამბროლაურში N1 საჯარო სკოლის ღობის მოწყობის სამუშაოები.
- სოფ. ხვანჭკარის საჯარო სკოლის სახურავის სარეაბილიტაციო სამუშაოები. სამუშაოები დასრულდა სექტემბრის მეორე ნახევარში და მიმდინარეობს საბოლოო მიღება-ჩაბარების პროცედურები.

პრიორიტეტი - 05 00 კულტურა, ახალგაზრდობა და სპორტი შესრულებულია 78 %-ით. გეგმიური 2039,3 ათ.ლარი, ათვისებულია 1582,0 ათ. ლარი.

პროგრამები:

05 01 სპორტის სფეროს განვითარება. შესრულებულია 67 %-ით. გეგმიური 1157,4 ათ.ლარი, ათვისებულია 774,0 ათ. ლარი.

აქედან :

05 01 01 სპორტული დაწესებულებების ხელშეწყობა შესრულებულია 94 %-ით. გეგმიური 612,0 ათ.ლარი, ათვისებულია 577,4 ათ. ლარი.

➤ **05 01 01 01 ა(ა)იპ ამბროლაურის სასპორტო სკოლა** შესრულებულია 96 %-ით. გეგმიური 250,2 ათ.ლარი, ათვისებულია 241,1 ათ. ლარი.

სასპორტო სკოლამ საანგარიშო პერიოდში განახორციელა, როგორც ადგილობრივი, ისე გასვლითი ღონისძიებები, სადაც სკოლის მოსწავლეებმა წარმატებით იასპარეხეს. სკოლის კარატისტებმა ქალაქ თბილისსა და ქალაქ ტყიბულში გამართულ საქართველოს თასის გათამაშებაზე მოიპოვეს 25 სხვადასხვა ხარისხის მედალი, 8 კარატისტი შეყვანილია სხვადასხვა ასაკის საქართველოს ნაკრებ გუნდში. მალტაში ჩატარებულ ევროპის პირველობა კარატეში პირველი (ვასილ დვალაძე) და მეორე (ლუკა ნასარიძე) ადგილები სპორტ სკოლის მოსწავლეებმა გადაინაწილეს, ვასილ დვალაძე გახდა ევროპის ჩემპიონი კარატეში და ასევე მან მიიღო სპეციალური პრიზი საუკეთესო ბრძოლისთვის; წარმატებით დასრულდა ასპარეზობა სანდიაში გამართულ საერთაშორისო კარატის ტურნირზე, სადაც გუნდური პირველი ადგილი დაიკავა სკოლის აღსაზრდელებმა; სასპორტო სკოლის მოსწავლეები ასევე წარმატებით ასპარეზობენ მაგიდის ჩოგბურთის სპორტულ შეჯიბრებებზე - საქართველოს პირველობა; საქართველოს პირველობა წყვილთა შორის; დოლობერიძის სახელობის თასის გათამაშება; თელავის ღია პირველობა ყველა ამ ღონისძიებაზე სკოლის მოსწავლეებმა დაიკავეს პირველი, მეორე და მესამე ადგილები და ისინი შეყვანილი არიან საქართველოს მაგიდის ჩოგბურთის ნაკრებ გუნდებში. სკოლაში წარმატებით ფუნქციონირებს ჭადრაკისა და კალათბურთის მიმართულებები; ადგილობრივ ღონისძიებაზე ჭადრაკში წარმატებით იასპარეხეს სასპორტო სკოლის აღსაზრდელებმა და საპრიზო ადგილები მოიპოვეს, რაც შეეხება კალათბურთს, 16 წლამდე ვაჟთა ნაკრებმა მონაწილეობა მიიღო ბავშვთა ლიგაზე. ჩატარდა საჭადრაკო ღია ფესტივალი „რაჭა 2022“ ჭაბუკთა და გოგონათა შორის, რომელშიც მონაწილეობდა მიიღო 120-მდე ვაჟმა და გოგონამ. წარმატებით იასპარეხეს ამბროლაურელმა მონაწილეებმა: 16 წლამდე გოგონათა შორის პირველი ადგილი დაიკავა ელენე გეგეშიძემ; 16 წლამდე ვაჟებში მეორე საპრიზო ადგილი დაიკავა ნოდარ ბუაძემ; 14 წლამდე ვაჟებში მეორე საპრიზო ადგილი დაიკავა ზურაბ ჭელიძემ;

➤ **05 01 01 02 ა(ა)იპ ამბროლაურის ჭიდაობის კლუბი „ფალავანი“-ს ბიუჯეტი** შესრულებულია 88 %-ით. გეგმიური 151,5 ათ.ლარი, ათვისებულია 133,0 ათ. ლარი.

საანგარიშო პერიოდში ჭიდაობის კლუბი ფალავანის აღსაზრდელები აქტიურად მონაწილეობდნენ სხვადასხვა ღონისძიებებში კერძოდ: რუმინეთში ქ.კლუჟნაპოვაში გამართულ რუმინეთის საერთაშორისო ტურნირზე, უმცროსი ასაკის ჭაბუკებს შორის თავისუფალ ჭიდაობაში ჭაბუკებმა 4 ოქროს, 6 ვერცხლის, 3 ბრინჯაოს მედალი და გუნდური პირველი ადგილი მოიპოვეს; ბულგარეთში ქ. პლოვდივში გამართულ ევროპის 23 წლამდე ახალგაზრდების პირველობა, თავისუფალი ჭიდაობაში პირველი ადგილი დაიკავა გიორგი ელბაქიძემ (70 კგ); უნგრეთში, ქ. ბუდაპეშტში 28 მარტიდან 03 აპრილამდე ევროპის პირველობაზე 74 კგ. კატეგორიაში ვლადიმერ გამყრელიძემ მოიპოვამესამე ადგილი; ხორვატიაში ქ.ზაგრები გამართულ ევროპის უმცროსი ასაკის ჭაბუკთა პირველობაზე თავისუფალ ჭიდაობაში ლუკა კვატაშიძემ (75 კგ) დაიკავა პირველი ადგილი

და მოიპოვა ევროპის ჩემპიონის ტიტული; ქ. რუსთავში 2022 წლის 28-31 იანვარს გამართულ საქართველოს 23 წლამდე ახალგაზრდების პირველობა, თავისუფალ ჭიდაობაში პირველი ადგილი დაიკავა გიორგი ელბაქიძემ (70 კგ), მეორე ადგილი გივი გოგობერიძე (92 კგ) გოგრიჭიანი გიორგი (74კგ); ქ. გორში 2022 წლის 25-27 თებერვალს გამართულ ნუგზარ სხიერელის ხსოვნისადმი მიძღვნილი ტურნირი, უმცროს ჭაბუკებს შორის, თავისუფალ ჭიდაობაში მე-3 ადგილი დაიკავა მელაშვილმა გიგამ 32 კგ. წონით კატეგორიაში; 2022 წლის 03-05 აპრილს ქ. ხაშურში გამართულ საქართველოს ჭაბუკების პირველობა, თავისუფალ ჭიდაობაში 65 კგ. წონით კატეგორიაში მე-2 ადგილი დაიკავა საბა კობახიძემ; 110 კგ. წონით კატეგორიაში სანდრო ირემამემ; 2022 წლის 05-07 აპრილს ქ. გორში გამართულ „გიორგი ხინჩეგაშვილის“ სახელობის სსოვნისადმი მიძღვნილი „უმცროსი ასაკის“ ჭაბუკების ტურნირი, თავისუფალ ჭიდაობაში მე-2 ადგილი დაიკავა ბიძინა ჯინჭარაძემ (44 კგ); მე-3 ადგილი დაიკავა დემური მასისაშვილმა (86 კგ); 2022 წლის 09 აპრილიდან პირველ მასამდე გამართულ საქართველოს უმცროსი ასაკის პირველობა, თავისუფალ ჭიდაობაში პირველი ადგილი დაიკავა ლუკა კვატაშიძემ (70 კგ), მესამე ადგილი - ბიძინა ჯინჭარაძემ (44 კგ). 2022 წლის 22-24 ივლისს ონში ჩატარებულ დავით გობეჯიშვილის სახელობის მსოფლიოს დასაყენებელი ტურნირზე თავისუფალ ჭიდაობაში მონაწილეობდა 250 მონაწილე 10 წონით კატეგორიაში, „ფალავანის“ მოჭიდავეებმა ერთი ვერცხლი და ერთი ბრინჯაო მოიპოვეს;

➤ **05 01 01 03 ა(ა)იპ ამბროლაურის საცურაო აუზი** შესრულებულია 99 %-ით. გეგმიური 88,0 ათ.ლარი, ათვისებულია 87,0 ათ. ლარი. გარკვეული მიზეზების გამო დაწესებულებამ მოქალაქეთა მიღება დაიწყო 20 ივნისიდან და ფუნქციონირებდა 20 სექტემბრამდე. ამ პერიოდში დახურულ აუზით ისარგებლა 286 ვიზიტორმა; ღია აუზით-158 ვიზიტორმა

➤ **05 01 01 04 ა(ა)იპ ამბროლაურის მუნიციპალიტეტის საფეხბურთო კლუბი „რაჭა“-ს ბიუჯეტი** შესრულებულია 95 %-ით. გეგმიური 122,1 ათ.ლარი, ათვისებულია 116,3 ათ. ლარი.

იანვრიდან კლუბმა დაიწყო სხვადასხვა ასაკობრივი გუნდების საწვრთნელი პროცესები, თებერვალში შეირჩა ჩემპიონატში გამსვლელი ასაკობრივი გუნები; დაკომპლექტდა ასაკობრივი ნაკრებები; პირველ ეტაპზე კლუბი ჩაერთო იმერეთის რეგიონალური ფეხბურთის ფედერაციის მიერ ორგანიზებულ ტურნირში ორი ასაკობრივი გუნდით; 2007 წელს დაბადებული მოზარდები იბრძვიან ჩემპიონობისთვის, ამ ეტაპისთვის აქვთ 27 ქულა და არიან მეორე ადგილზე. კლუბი ორი გუნდით - „რაჭა ჭრებალო“ და „რაჭა“ მონაწილეობას ღებულობს რაჭა-ლეჩხუმი-ქვემო სვანეთის ფეხბურთის ფედერაციის მიერ ორგანიზებულ ტურნირში, სადაც „რაჭა ჭრებალო“ პირველი წრის ჩემპიონია და წარმატებით აგრძელებს ასპარეზობას, ხოლო გუნდი „რაჭა“ იკავებს მეოთხე პოზიციას. კლუბში გეგმის შესაბამისად მიმდინარეობს საწვრთნელი პროცესები, ამ ეტაპისათვის ჩემპიონატები შესულია დასკვნით ფაზაში, დარჩენილია ბოლო ტურები და ჩემპიონატის დამთავრების შემდეგ გამოცხადდება მცირე საზაფხულო შესვენება. ივლისის თვეში კლუბმა უმასპინძლაეროვნული ლიგა2-ის წარმომადგენელს საფეხბურთო გუნდ „სპაერს“ 10 დღიან შეკრებაზე.

➤ **05 01 02 კაპიტალური დაზანდებები სპორტის სფეროში** შესრულებულია 36 %-ით. გეგმიური 545,6 ათ.ლარი, ათვისებულია 197,0 ათ. ლარი.

თანხის ათვისებლობა გამოწვეულია იმ ფაქტორით, რომ „ქ. ამბროლაურში, როგორც რეგიონული ცენტრის სოციალურ-ეკონომიკური, სპორტული და საგანმანათლებლო მიზიდულობის არეალის გაზრდის მიზნით მრავალფუნქციური ღია სპორტული კომპლექსის მშენებლობის სამუშაოები“-ს შესყიდვის ტენდერი რამდენჯერმე არ შედგა. ხელშეკრულების გაფორმების შემდეგ განხორციელდა პროექტის ცვლილებები, რამაც გამოიწვია მიღება-ჩაბარების პროცედურების შეფერხება. ფაქტიურად შესრულებული სამუშაოები გაცილებით მეტია.

05 02 კულტურის სფეროს განვითარება შესრულებულია 92 %-ით. გეგმიური 865,0 ათ.ლარი, ათვისებულია 799,0 ათ. ლარი.

აქედან:

05 02 01 კულტურის სფეროს დაწესებულებების ხელშეწყობა ბიუჯეტი შესრულებულია 95 %-ით. გეგმიური 649,4 ათ.ლარი, ათვისებულია 616,0 ათ. ლარი.

➤ **05 02 01 01 ა(ა)იპ ამბროლაურის კულტურის ცენტრის** ბიუჯეტი შესრულებულია 97 %-ით. გეგმიური 459,2 ათ.ლარი, ათვისებულია 447,0 ათ. ლარი.

საანგარიშო პერიოდში დაწესებულებამ განახორციელა და მონაწილეობა მიიღო სხვადასხვა ღონისძიებებსა და აქტივობებში: ანსაბლი „იავნანა“, ანსაბლი „საგალობელი“ და ხალხურ საკრავთა დუეტი - დავით სხირტლადის და თორნიკე სხიერელის შემადგენლობით მონაწილეობდა ფოლკლორული ფსტივალის პირველ შესარჩევ ტურში, რომელიც ქ. ონში გაიმართა; გელა ისიანის რეჟისორობით სოფ. ურავის სასოფლო კლუბში დაიდგა თოჯინების თეატრის სპექტაკლი „ბატის ჭუკი“, იგივე სპექტაკლის ჩვენება მოეწყო სოფ. ჭრებალოს სასოფლო კლუბში; ანსაბლი „საგალობელი“ მიწვეული იქნა სატელევიზიო შოუში; ანსაბლმა „იავნანა“-მ მონაწილეობა მიიღო ქ. ონის კულტურის სახლში გამართულ პოეზიის სადამოხე; გაიხსნა ქალთა ფოლკლორული ანსაბლ „იავნანა“-ს ვარსკვლავი; მოეწყო თოჯინების თეატრის ჩვენება „ოქროს წიწილა“, ადგილობრივ სცენაზე, გელა ისიანის რეჟისორობით; ანსაბლები „იავნანა“ და „საგალობელი“ მიწვეული იყო ქ. თბილისში, სადაც ფესტივალ „ფერხლში“ მიიღეს მონაწილეობა; ანსაბლები „იავნანა“ და „საგალობელი“ მონაწილეობდნენ ამბროლაურში გამართულ „ღვინის ფესტივალზე“; 04 აგვისტოს გამართულ საქველმოქმედო კონცერტზე მონაწილეობა მიიღო კულტურის სახლის ყველა შემოქმედებითმა ჯგუფმა; ანსაბლებმა „საგალობელი“ და „იავნანა“ მონაწილეობა მიიღეს დღესასწაულ „ონელობაზე“; ანსაბლ „საგალობელმა“ მონაწილეობა მიიღო „თარიკონი“-ს ვარსკვლავის გახსნაზე; ანსაბლმა „იავნანამ“ მონაწილეობა მიიღო ლენტეხში ჩატარებულ „ლენტეხობა 2022“-ში.

საბიბლიოთეკო სამსახური საანგარიშო პერიოდში მოემსახურა 900-ზე მეტ მკითხველს; გაიცა 6190 ცალი წიგნი; გასცა წერილობითი და ზეპირი ცნობები: ისტორია უკრაინის შესახებ; საქართველოს ღირსეული მამულიშვილები; ექვთიმე თაყაიშვილის ცხოვრება. საბიბლიოთეკო სამსახურმა ჩაატარა შემდეგი ღონისძიებები: პოეტ ზურაბ ჯაფარიძის სადამო-გახსენება; წიგნის კითხვის მსოფლიო დღე; ლიტერატურული ღონისძიება „გაზაფხული დადგაო“; 02 მაისიდან 06 მაისის ჩათვლით ჩატარდა საბიბლიოთეკო კვირეული: 1. საბიბლიოთეკო კვირეულის გახსნა „ჩემი ბიბლიოთეკა ჩემი სამყაროა“ მოეწყო ამბროლაურის მთავარ ბიბლიოთეკაში; 2. „მე დავიბადე აპრილის თვეში“ გაიმართა სოფ. წესის ბიბლიოთეკაში. 3. „პოეზია, მამულის საგალობელი“ გაიმართა ქ. ამბროლაურის საბავშვო ბიბლიოთეკაში. 4. „მე და ჩემი წიგნის თარო“ გაიმართა სოფ. სადმელის ბიბლიოთეკაში. 5. საბიბლიოთეკო კვირეულის საზეიმო დახურვა შედგა ქ. ამბროლაურის საბავშვო ბიბლიოთეკაში; სოფ. ლიხეთსა და აბარში მოეწყო პოეზიის სადამო „ჩემი ხატია სამშობლო“; მოეწყო ლიკა ჭელიძის წიგნის „სიმშვიდის იმიტაცია“ პრეზენტაცია; გიორგი გიორგობიანის წიგნის - „ქართული ძეგლების დოკუმენტალისტი“ პრეზენტაცია;

საბავშვო ბიბლიოთეკაში განხორციელდა შემდეგი ღონისძიებები: 1. წიგნის საჯაროდ კითხვის საერთაშორისო დღე - „ტომები, ხალხები, სახელმწიფო გაქრა, წიგნი კი დარჩა“. 2. დავით აღმაშენებლის ხსენების დღე - „ძღვევაი საკვირველი“. 3. დედისა და ქალთა დღეები. 4. საბავშვო წიგნის საერთაშორისო დღე - „გავუფრთხილდე წიგნს, ადამიანის გონებისა და გენიის საგანძურს“. 5. ბავშვთა დაცვის საერთაშორისო დღე - „ბავშვი სათავე, დასაწყისია დიდი ადამიანისა“. გაიმართა ღონისძიება შვეიცარიის მხარე - „მარგალიტები მიკრეფია ხარისთვალზე“

კულტურული მემკვიდრეობის დაცვის სამსახურის მიერ მუნიციპალიტეტის ტერიტორიაზე არსებული კულტურული მემკვიდრეობის ნიმუშების (103 ძეგლი, აქედან 7 ეროვნული მნიშვნელობის) მოვლა-პატრონობის ფარგლებში, ფიქსაცია-აღრიცხვის მიზნით მიმდინარე წელს მოეწყო გასვლები სხვადასვა სოფლებში: სოფელ ხიმში წმინდა გიორგის ეკლესია, დაფიქსირდა ძველი ნასოფლარის ნაშთები; სოფელი პირველი ტოლა - მაცხოვრის ეკლესია; სოფელი სხვავა - ძელიცხოველი; სოფელი გორი - წმინდა გიორგის ეკლესია; სოფელი ზნაკვა - მაცხოვრის ეკლესია. სამსახურმა მოახდინა ნიკორწმინდის ტაძრის ამჟამინდელი მდგომარეობის დაფიქსირება - ფოტოგადაღება ექსტერიერ-ინტერიერში, აღნიშნული ფოტომასალით გაკეთდა ბუკლეტი „ნიკორწმინდა 2022“. სამსახურის თანამშრომლების მიერ სოფელ სხვავაში მცენარეული საფარისგან გაიწმინდა „ქვის ხიდის“ მიმდებარე ტერიტორია; მუნიციპალიტეტის ტერიტორიაზე არსებული ციხე-კოშკების ამჟამინდელი

მდგომარეობის შესახებ წერილობითი ინფორმაცია მიეწოდა საქართველოს კულტურული მემკვიდრეობის ეროვნულ სააგენტოს; განახლებადია მუნიციპალიტეტის ისტორიულ-გეოგრაფიულ არეალში მოქცეულ ისტორიულ ძეგლებზე ფოტო და ვიდეოთეკის შევსება; შეიქმნა ალბომების ელ. ვერსია. სამსახურის მიერ განხორციელდა გასვლა და დრონის საშუალებით დაფიქსირებული იქნა ამბროლაურის-ნიკორწმინდა-კაჩაეთის მიმართულებით არსებული კულტურული მემკვიდრეობის ძეგლები, გადაღებული მასალით მოხდა ვიდეო კლიპების შექმნა, მასალა განთავსდა სოციალურ ქსელში;

➤ **05 02 01 02 ა(ა)იპ ამბროლაურის ამბროლაურის სკოლისგარეშე საგანმანათლებლო დაწესებულება დავით თორაძის სახელობის ხელოვნების სკოლის ბიუჯეტი**
შესრულებულია 96 %-ით. გეგმიური 82,0 ათ.ლარი, ათვისებულია 79,1 ათ. ლარი.

საანგარიშო პერიოდში სახელოვნებო სკოლა ახორციელებდა და ჩართული იყო სხვადასხვა ღონისძიებებში. ქორეოგრაფიულ განყოფილებაში მიმდინარეობს ინტენსიური რეპეტიციები. ანსაზღვრები „თი-ემ-სი“ და „რაშოვდა“ ამზადებენ ახალ საკონცერტო რეპერტუარს; ბავშვთა დაცვის საერთაშორისო დღესთან დაკავშირებით ხელოვნების სკოლამ მოაწყო ფლემ-მოზი; სკოლაში გაიმართა ფორტეპიანოს განყოფილების მოსწავლეთა მოსმენა; ჩატარდა ქართულ ხალხური ცეკვის პირველი ჯგუფის მოსწავლეთა ღია გაკვეთილი; სკოლის დარბაზში გაიმართა მოსწავლეთა შემაჯამებელი კონცერტი. ქ. ონში ჩატარებულ ქორეოგრაფიული კავშირის მიერ დაფუძნებული ფოლკლორულ ფესტივალ „კავკასია 2022“ ღონისძიებაში მონაწილეობა მიიღო სკოლის ქორეოგრაფულმა ანსამბლმა „რაშოვდა“ და „თიემსი“. ხელოვნების სკოლის ინიციატივით ჩატარდა თიკო ტურმილაძისათვის მიძღვნილი საქველმოქმედო საღამო; ქორეოგრაფიული ანსამბლი „რაშოვდა“ მონაწილეობდა ბათუმის საერთაშორისო კონკურს-ფესტივალზე „ოქროს ბათუმი“, სადაც ანსამბლმა მოიპოვა გრან პრი; ქობულეთში გამართულ საერთაშორისო საერთაშორისო კონკურს-ფესტივალზე „ნარინჯისფერი ქობულეთი“ ქორეოგრაფიულმა ანსამბლმა „TMS“-მა მოიპოვა გრან პრი; სახალხო დღესასწაულ ონელობაზე მონაწილეობა მიიღო ქორეოგრაფიულმა ანსამბლმა „რაშოვდა“

➤ **05 02 01 03 ა(ა)იპ სკოლისგარეშე სახელოვნებო სააღმზრდელო დაწესებულება ამბროლაურის უჩა ჯაფარიძის სახელობის სამხატვრო სკოლა** შესრულებულია 90 %-ით. გეგმიური 52,4 ათ.ლარი, ათვისებულია 47,0 ათ. ლარი.

საანგარიშო პერიოდში დაწესებულებამ განახორციელა შემდეგი ღონისძიებები: სახვითი და გამოყენებითი ხელოვნების ყველა ჯგუფში ჩატარდა შიდა საკლასო ე.წ. „მინი გამოფენა“, რაც ერთგვარი წამახალისებელი და სტიმულის მომცემია მოსწავლეებისათვის; საგამოფენო დარბაზში მოეწყო სახვითი ხელოვნების ჯგუფის ერთ-ერთი წარჩინებული მოსწავლის, გიგი გიორგობიანის, ნამუშევრების პერსონალური გამოფენა, სადაც წარმოდგენილი იყო გრაფიკული და ფერწერული ნამუშევრები; სამხატვრო სკოლის პედაგოგებმა და მოსწავლეებმა მონაწილეობა მიიღეს ქ.ონში გამართულ ფოლკლორის ეროვნულ ფესტივალში, სადაც სკოლის მიერ წარდგენილი იქნა ფოლკლორის თემასთან მისადაგებული ნამუშევრები; სკოლის სალონურ გარემოში მოეწყო წარჩინებულ მოსწავლეთა გამორჩეული ნამუშევრების გამოფენა; სკოლის უფროსკლასელმა ამოსწავლეებმა მონაწილეობა მიიღეს ღონისძიებაში „ჩვენ ასე ვხედავთ“, სადაც მოსწავლეთა ნამუშევრებმა დიდი მოწონება დაიმსახურეს დამთვალიერებების მიერ; 26 მაისის ღონისძიებაზე სამხატვრო სკოლამ წარმოადგინა სხვადასხვა ტიპის ნამუშევართა ფერადი კუთხე; ბავშვთა დაცვის დღისადმი მიძღვნილ ღონისძიებაზე წაროდგენილი იქნა სკოლის მოსწავლეების ნამუშევრები, ბავშვებმა ფერადი ცარცებით ასფალტზე შეასრულეს თემატური ნახატები; სოლიდარობა გამოუცხადეს უკრაინე ბავშვებს და უსურვეს მშვიდობა; აფხაზინტერკონტისა და განათლებისა და დასაქმების ცენტრის ორგანიზებით ჩატარებულ რეგიონალურ ფორუმზე გამართულ კონკურს-გამოფენაზე „მოხალისეობა და სამოქალაქო აქტივიზმი“ მონაწილეობა მიიღეს სკოლის მოსწავლეებმა და ერთ-ერთმა ნამუშევარმა პირველი ადგილი დაიკავა. 25 ივლისს მოეწყო თვითნასწავლი ხელოვანის, ნინო ჯებაშვილის, ნამუშევრების გამოფენა, სადაც წარმოდგენილი იქნა ნაქარგები, ხელნაკეთი აქსესუარები და სხვა. სკოლამ ჩაატარა გასვლითი ღონისძიება ქ. ონში ონელობის დღესთან დაკავშირებით და სკოლის რამდენიმე პედაგოგმა წარადგინა გამოყენებითი ხელოვნების ნიმუშები.

- **05 02 01 04 ა(ა)იპ ამბროლაურის სახვითი ხელოვნებისა და მხარეთმცოდნეობის მუზეუმის ბიუჯეტი** შესრულებულია 77 %-ით. გეგმიური 55,7 ათ.ლარი, ათვისებულია 43,2 ათ. ლარი.

მუნიციპალურ მუზეუმში დღეის მდგომარეობით განთავსებულია 868 ექსპონატი. 602 ექსპონატი სახვითი ხელოვნების მუზეუმში, ხოლო 266 - აბარის მხარეთმცოდნეობის მუზეუმში. წლის განმავლობაში მუზეუმებში ვიზიტორთა რაოდენობა საშუალოდ შეადგენს 1000-ს. მუზეუმში წლის განმავლობაში ეწყობა სხვადასხვა ღონისძიებები და გამოფენები. საანგარიშო პერიოდში ჩატარებული ღონისძიებებია: სახვითი ხელოვნების მუზეუმის საგამოფენო დარბაზების რეექსპოზიცია; ფოტო-გამოფენა „ტრადიციული რაჭული სამოსი“; საგაზაფხულო გამოფენა; მუზეუმში დაცული პორტრეტების გამოფენა; აქცია-გამოფენა „დამე მუზეუმში“, კვირეულის ფარგლებში განხორციელდა - რესტავრირებული ნამუშევრების გამოფენა; ქანდაკებების გამოფენა; ეთნოგრაფიული ნივთების გამოფენა; პოეტ გურამ გორდეზიანის ახალი კრბულის პრეზენტაცია და შემოქმედებითი საღამო. მუზეუმში მოეწყო ბავშვთა დაცვის საერთაშორისო დღისადმი მიძღვნილი გამოფენა, რმელშიც მონაწილეობა მიიღეს ამბროლაურის საჯარო სკოლების მოსწავლეებმა, გამოფენილი იქნა მათი ნამუშევრები; განახლდა ფერწერის დარბაზი; მუზეუმის კოლექციას შეემატა მხატვარ გიორგი ვართაგავას გრაფიკული ნამუშევრები; მოეწყო მამუკა კობახიძის ნამუშევრების გამოფენა; მოხდა ფერწერის დარბაზის რეექსპოზიცია.

- **05 02 02 „კულტურის ღონისძიებები“ პროგრამის ბიუჯეტი** შესრულებულია 64 %-ით. გეგმიური 63,3 ათ.ლარი, ათვისებულია 40,6 ათ. ლარი.

პროგრამის განმახორციელებელია მუნიციპალიტეტის მერიის განათლების, კულტურის, ძეგლთა დაცვის, სპორტისა და ახალგაზრდობის საქმეთა სამსახური. საანგარიშო პერიოდში პროგრამის ფარგლებში განხორციელდა შემდეგი ღონისძიებები: საქართველოს სახელმწიფო დროშის დღის აღსანიშნავი აქციის ორგანიზება; „ამბროლაურის მუნიციპალიტეტის კულტურისა და სპორტის სფეროში საპატიო წოდებების მინიჭებისა და ჯილდოს გაცემის პროგრამის“ ფარგლებში გაიცა 23 ფულადი ჯილდო; 26 მაისის ღონისძიების სპორტულ კომპონენტში (ჭადრაკი, მაგიდის ჩოგბურთი, 3*3 კალათბურთი) წარმატებულ პირებს გადაეცა სასაჩუქრე ვაუჩერები და ფასიანი საჩუქრები; მეტეის თეატრის გასტროლის ორგანიზება; ანსაბლ „თარიკონის“ კონცერტის ორგანიზება; ოთო ნემსაძის კონცერტის ორგანიზება;

- **05 02 04 რელიგიური ორგანიზაციების ხელშეწყობა** შესრულებულია 100 %-ით გეგმა 50,0 ათ. ლარი; ათვისება 50 ლარი. პროგრამა ითვალისწინებს ნიკორწმინდის ეპარქიის შემადგენლობაში შემავალი ეკლესია-მონასტრებისა და მიმდებარე ტერიტორიის ინფრასტრუქტურის მოწყობას.

- **05 02 05 გაზეთის მომსახურების დაფინანსება** შესრულებულია 93 %-ით. გეგმიური 10,5 ათ.ლარი, ათვისებულია 9,7 ათ. ლარი. პროგრამის ფარგლებში ხორციელდება გაზეთი „ამბროლაურის მოამბე“-ს ბეჭდვა.

- **05 02 06 ა(ა)იპ ტურისტული ცენტრი** შესრულებულია 90 %-ით. გეგმიური 92,0 ათ.ლარი, ათვისებულია 82,5 ათ. ლარი.

ტურისტულმა ცენტრმა საანგარიშო პერიოდში კოორდინაცია გაუწია ტურიზმის ეროვნული ადმინისტრაციის მიერ ორგანიზებულ ტრენინგს „ჰიგიენა და სურსათის უვნებლობა“, რომელშიც აქტიურად ჩაერთვნენ ცენტრის თანამშრომლები; თანამშრომლების მიერ ოპერატიულად განხორციელდა ცენტრის ბაზაზე არსებული, ამბროლაურის მუნიციპალიტეტის ტერიტორიაზე განთავსებული ტურისტული საფეხმავლო ბილიკების შემოვლა; მოხდა ბილიკების მონიტორინგი; მარკირების, ნიშნულებისა და საინფორმაციო დაფების აღრიცხვა; დაიბეჭდა და მონტაჟის პროცესშია

დაზიანებული ნიშნულები; მოხდა ბილიკების ხელხალი აზომვა-განახლება ტურისტებისათვის უსაფრთხოებისა და თვალსაჩინოების შექმნის მიზნით; პროცესშია არსებული ბილიკების წმენდა, რაშიც აქტურ მონაწილეობას იღებენ სპეციალური-სოციალური პროგრამით დასაქმებული ბენეფიციარები; აქტიურად მიმდინარეობს ქ. ამბროლაურსა და მუნიციპალიტეტის ტერიტორიაზე არსებული ტურისტული ობიექტების (განთავსების/კვების ობიექტები/მარნები) შემოვლა, ტურისტულ ცენტრში ფიქსირებულ ბაზას დაემატა 20-მდე ობიექტი, რომელთა შესახებ ინფორმაციის განთავსება, ცნობადობის გაზრდის მიზნით, ხდება ცენტრის ფეისბუქ გვერდზე InRacha. ტურისტულმა ცენტრმა საანგარიშო პერიოდში უმასპინძლა 1261 ვიზიტორს, თუმცა სატელეფონო და ონლაინ კავშირით აქტიურად ხდება ინფორმაციის მოთხოვნა, რომელსაც ცენტრის თანამშრომლები უწყვეტ რეჟიმში აწვდიან დაინტერესებულ პირებს. ქ. ამბროლაურში გაიმართა ტურიზმის ეროვნული ადმინისტრაციის მიერ ორგანიზებული ტრენინგი სასტუმროებისა და კვების ობიექტებისათვის სახელწოდებით "შეზღუდული შესაძლებლობის მქონე პირთათვის ტურისტული სერვისები-მომსახურება და უსაფრთხოება"; ტურისტული ცენტრის მიერ დაიგეგმა და განხორციელდა „იმედის“ ტელევიზიის ჟურნალისტებისა და ოპერატორების სამ დღიანი ტური რაჭაში, რომლის ფარგლებშიც შეიქმნა სიუჟეტი „შემოდგომის რაჭა“ და გაშუქდა „დილის შოუ“-ში, გადაღებული ვიდეო მასალა გადაეცემა ტურისტულ ცენტრს და გამოყენებული იქნება ფესტივალებსა და გამოფენებზე რაჭის პოპულარიზაციის მიზნით.

- **05 03 „ახალგაზრდობის მხარდაჭერა“** პროგრამის ბიუჯეტი შესრულებულია 54 %-ით. გეგმიური 17,0 ათ.ლარი, ათვისებულია 9,2 ათ. ლარი.

პროგრამის განმახორციელებელია მუნიციპალიტეტის მერიის განათლების, კულტურის, ძეგლთა დაცვის, სპორტისა და ახალგაზრდობის საქმეთა სამსახური. საანგარიშო პერიოდში პროგრამის ფარგლებში განხორციელდა შემდეგი ღონისძიებები: ამბროლაურის მუნიციპალიტეტის მერის სათათბირო ორგანოს - ახალგაზრდული საბჭოს წევრების წახალისება-მოტივირებისთვის ბრენდირებული მაისურების, ჩანთების, ბლოკნოტების და კალმების შესყიდვის განხორციელება; საგანმანათლებლო პორტალი „izrune.ge“ მომსახურების ანაზღაურება; საგანმანათლებლო პროექტ „ეტალონის“ მომსახურების შესყიდვა; COVID - 19 ვირუსის პრევენციასთან დაკავშირებული საინფორმაციო პოსტერების ბეჭდვა და სამიზნე ჯგუფებში გავრცელება; თავისუფალი სტილით ჭიდაობის ევროპის ჩემპიონატის (23 წლამდე შორის) ოქროს მედალოსნის (გიორგი ელბაქიძე) მოტივირება-წახალისებისთვის სუვენირის - „ტარიელის და ვეფხის შერკინების“ შესყიდვა; „კუდოში“ საქართველოს თასის ღონისძიების ამბროლაურის მუნიციპალიტეტში ჩატარების თანაორგანიზება; ველო მარათონის (მოყვარულთა ველო შეჯიბრი - 58 საერთაშორისო მონაწილე) გამართვის ხელშეწყობა. დამზადდა წამახალისებელი მადლობის სიგელები.

ამბროლაურის მუნიციპალიტეტის მერიის სათათბირო ორგანოს -ახალგაზრდული საბჭოს წევრების წახალისება-მოტივირებისათვის ბრენდირებული მაისურების, ჩანთების, ბლოკნოტებისა და კალმების შესყიდვა

- **პრიორიტეტი - 06 00 ჯანმრთელობის დაცვა და სოციალური უზრუნველყოფა** შესრულებულია 89 %-ით. გეგმიური 617,5 ათ.ლარი, ათვისებულია 548,0 ათ. ლარი.

პროგრამები:

- **06 01 ჯანმრთელობის დაცვა** შესრულებულია 93 %-ით. გეგმიური 266,7 ათ.ლარი, ათვისებულია 247,4 ათ. ლარი.

- **06 01 01 საზოგადოებრივი ჯანმრთელობისა და უსაფრთხო გარემოს უზრუნველყოფა** პროგრამის ბიუჯეტი შესრულებულია 97 %-ით. გეგმიური 54,2 ათ.ლარი, ათვისებულია 52,5ათ. ლარი.

პროგრამის განმახორციელებელია ა(ა)იპ ამბროლაურის ერთიანი ადგილობრივი საზოგადოებრივი ჯანდაცვის ცენტრი. საანგარიშო პერიოდის განმავლობაში დაწესებულებაში შესულია 146 სასწრაფო შეტყობინების ბარათი ცხოველების მიერ დაკბენილებისა და დადორბილების

შესახებ, ყველა შეტყობინება გადაეცა სურსათის ეროვნული სააგენტოს რაჭა-ლეჩხუმ ქვემო სვანეთის რეგიონალურ სამმართველოს, დამკბენ ცხოველებზე 10 დღიანი მეთვალყურეობის დასამყარებლად, ყველა ცხოველი აღმოჩნდა კლინიკურად ჯანმრთელი, დაკბენილ პაციენტებს ჩაუტარდათ ვაქცინაციის სხვადასხვა კურსი, რისთვისაც ჯანდაცვის ცენტრმა გასცა შესაბამისი დოზა ანტირაბული ვაქცინა; ჯანდაცვის ცენტრმა ჩაატარა შემდეგი პროფილაქტიკური აცრები: პნევმოკოკური ტდ - 128 აცრა; ჰექსაქსიმი - 135 აცრა; ბცქ - 28 აცრა; ჰეპატიტი ბ - 28 აცრა; როტა - 71 აცრა; ტეტრაქსიმი - 72 აცრა; წყყ - 136 აცრა; აპვ - 22 აცრა.

იმუნიზაციის სახელმწიფო პროგრამის ფარგლებში ჯანდაცვის ცენტრი მუშაობს სპეციალურ ელექტრონულ პროგრამაზე, რომელიც ითვალისწინებს ყველა რუტინული აცრისა და გაცემული ასაცრელი მასალის დაფიქსირებას ელექტრონულ მოდულში.

დაფიქსირებული იქნა შემდეგი ინფექციური დაავადებები: სავარაუდო საკვებისმიერი მოშხამვა - 33; სავარაუდო ინფექციური წარმოშობის დიარეა - 3; ცოფი რისკის მქონე ექსპოზიცია - 61; შიდსზე ტესტირებული - 203; შიდსზე ტესტირებული ორსულები - 21; ბორელიოზი - 1; ტუბერკულოზი - 1;

იმუნიზაციის სახელმწიფო პროგრამის ფარგლებში ჯანდაცვის ცენტრმა მოახდინა ექიმ-ფიზიკური პირებიდან მიღებული 2022 წლის ასაცრელი კონტიგენტისა და ასაკობრივი ჯგუფების შეჯამება და დამუშავება; დამუშავებული სტატისტიკური ფორმები გადაეცა დაავადებათა კონტროლის ეროვნულ ცენტრს; ასევე ექიმ-ფიზიკურ პირებს ცენტრი უწევს დახმარებას იმუნიზაციის მოდულის სწორად მართვაში და ახალი ბენეფიციარების დამატებაში; ჯანდაცვის ცენტრი პერიოდულად გადის მუნიციპალიტეტის სკოლებსა და საბავშვო ბაღებში, სადაც ტარდება მონიტორინგი: პროფილაქტიკური აცრების დროულ ჩატარებაზე; ჰიგიენის წესების დაცვაზე, განსაკუთრებით კოვიდ პანდემიის გამო, ხელების დაბანის წესების ზედმიწევნით შესრულებასა და პირბადის ტარების აუცილებლობაზე; ცენტრის მიერ უზნის ექიმებს უტარდებათ მონიტორინგი თავიანტ სამოქმედო უბნებზე; იღებენ მითითებებს დაგეგმილი აცრების დროულად შესრულებაზე; მოწმდება სამედიცინო ჩანაწერები. ტარდება კოვიდ ტესტები და ვაქცინები; სულ ექვსი თვის განმავლობაში ჩატარდა 3493 სწრაფი ტესტი, დადასტურდა ვირუსის 1384 შემთხვევა, აქედან 5 გარდაცვალება. ფაიზერ ვაქცინიტ აცრილთა რაოდენობამ შეადგინა 368 ბენეფიციარი, ხოლო სინოფარმით აცრილთა რაოდენობამ - 150. მიმდინარეობს სეზონური გრიპის ვაქცინაცია, მიღებულია სეზონური გრიპის საწინააღმდეგო ვაქცინის 1200 დოზა, აიცრა 145 ადამიანი, დაწესებულება ატარებს ვერბალური აუტოფსიის კვლევას; კვლავ გრძელდება C ჰეპატიტის მიდევნების პროგრამა.

თამბაქოს კონტროლის პროგრამის ფარგლებში ყოველთვიურად ხორციელდება სავაჭრო ობიექტების, სამასპინძლო-კერძო რესტორნების, კაფეების, სასტუმროების, სილამაზის სალონებისა და სამედიცინო დაწესებულებების მონიტორინგი.

- **06 01 03 ხანგრძლივად მოავადე პაციენტთა სამედიცინო მომსახურების (მედიკამენტური მკურნალობა) და ფენილკეტონურიით დაავადებულ ბავშვთა დიეტური კვებით მკურნალობა** პროგრამის ბიუჯეტი შესრულებულია 87 %-ით. გეგმიური 24,5 ათ.ლარი, ათვისებულია 21,4 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში პროგრამით ისარგებლა და დაფინანსება გაეწია 96 მოქალაქეს.

- **06 01 04 ონკოლოგიური/სიმსივნური დაავადების მქონე პაციენტთა დაფინანსება / თანადაფინანსება** პროგრამის ბიუჯეტი შესრულებულია 99 %-ით. გეგმიური 100,0 ათ.ლარი, ათვისებულია 98,5,0 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში პროგრამით ისარგებლა და დაფინანსება გაეწია 134 მოქალაქეს.

➤ **06 01 06 ამბულატორიულ-მაღალტექნოლოგიურ სამედიცინო მომსახურებაზე ფინანსური ხელმისაწვდომობის უზრუნველყოფა** პროგრამის ბიუჯეტი შესრულებულია 74 %-ით. გეგმიური 23,0 ათ.ლარი, 16,9 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში პროგრამით ისარგებლა და დაფინანსება გაეწია 33 მოქალაქეს.

➤ **06 01 07 ქირურგიული ოპერაციის საჭიროების მქონე პაციენტთა თანადაფინანსება** პროგრამის ბიუჯეტი შესრულებულია 89 %-ით. გეგმიური 65,0 ათ.ლარი, ათვისებულია 58,1 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში 106 მოქალაქეს გაეწია შესაბამისი დაფინანსება.

06 02 სოციალური დაცვა შესრულებულია 86 %-ით. გეგმიური 350,7 ათ.ლარი, ათვისებულია 300,3 ათ. ლარი.

პროგრამები:

➤ **06 02 01 სოციალურად დაუცველი მოსახლეობის ყოველდღიური უფასო ერთჯერადი კვება და საახალწლო და სააღდგომოდ სასურსათო პაკეტით უზრუნველყოფა** პროგრამის ბიუჯეტი შესრულებულია 99 %-ით. გეგმიური 25,0 ათ.ლარი, ათვისებულია 24,7 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში ყოველდღიური უფასო კვების პროგრამით ისარგებლა 37 ბენეფიციარმა; სააღდგომო და საახალწლო სასურსათო პაკეტები გადაეცა 73 ბენეფიციარს.

➤ **06 02 02 ახალშობილთა და ახლადშექმნილი ოჯახების ფინანსური დახმარება** პროგრამის ბიუჯეტი შესრულებულია 96 %-ით. გეგმიური 33,6 ათ.ლარი, ათვისებულია 32,2 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში ახალშობილთა ერთჯერადი დაფინანსების პროგრამით ისარგებლა 59 ბენეფიციარმა; ახლადშექმნილი ოჯახების დაფინანსების პროგრამის ფარგლებში დაფინანსება გაეწია 8 ბენეფიციარს.

➤ **06 02 03 „მიცვალებულთა სარიტუალო მომსახურება“** პროგრამის ბიუჯეტი შესრულებულია 100 %-ით. გეგმიური 1,5 ათ. ლარი, ათვისებულია 1,5 ათ.ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. პროგრამის ფარგლებში დაფინანსება გაეწია 1 უპატრონო მიცვალებულს.

➤ **06 02 04 „შეზღუდული შესაძლებლობის მქონე 0 დან 18 წლამდე ასაკის ბავშვების ერთჯერადი ფინანსური დახმარება, შშმ პირთა ზრუნვის ხელშეწყობა, დიალიზი და თირკმლის ტრანსპლანტაციის სახელმწიფო პროგრამით მოსარგებლეთა ფინანსური დახმარება“** პროგრამის ბიუჯეტი შესრულებულია 97 %-ით. გეგმიური 84,0 ათ.ლარი, ათვისებულია 81,5 ათ. ლარი.

პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. 2022 წლის ცხრა თვის განმავლობაში პროგრამით ისარგებლა 86 ბენეფიციარმა.

- **06 02 05 „ხანძრის შედეგად (საცხოვრებელ სახლზე) დაზარალებული ოჯახების ფინანსური დახმარება“ პროგრამის ბიუჯეტი** შესრულებულია 67 %-ით. გეგმიური 30,4 ათ.ლარი, ათვისებულია 20,4 ათ. ლარი.
 პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. საანგარიშო პერიოდში მუნიციპალიტეტის მხრიდან დაფინანსება გაეწია ხანძრით დაზარალებულ 2 ბენეფიციარს.
- **06 02 06 „მრავალშვილიან (სამი და მეტი 18 წლამდე ასაკის შვილი) ოჯახზე ერთჯერადი ფინანსური დახმარება“** პროგრამის ბიუჯეტი შესრულებულია 98 %-ით. გეგმიური 51,4 ათ.ლარი, ათვისებულია 50,4 ათ. ლარი.
 პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. საანგარიშო პერიოდში, პროგრამის ფარგლებში, დაფინანსება გაეწია 125 მრავალშვილიან ოჯახს.
- **06 02 07 მარჩენალდაკარგული (0-დან 18 წლამდე ასაკის ბავშვი) ოჯახების ერთჯერადი ფინანსური დახმარება -** შესრულებულია 97 %-ით. გეგმიური 11,4 ათ.ლარი, ათვისებულია 11,1 ათ. ლარი.
 პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. საანგარიშო პერიოდში, პროგრამის ფარგლებში, დაფინანსება გაეწია 36 მარჩენალდაკარგულ ოჯახს.
- **06 02 08 „უსახლკარო ოჯახების საცხოვრებელი ბინის ყოველთვიური ქირით უზრუნველყოფა“** პროგრამის ბიუჯეტი შესრულებულია 77 %-ით. გეგმიური 15,0 ათ.ლარი, ათვისებულია 11,6 ათ. ლარი.
 პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. პროგრამის ფარგლებში, მუნიციპალიტეტის მხრიდან, 9 ბენეფიციარია უზრუნველყოფილი ყოველთვიური ბინის ქირით.
- **06 02 09 „მარტოხელა მშობლის ერთჯერადი ფინანსური დახმარება“** პროგრამის ბიუჯეტი შესრულებულია 30 %-ით. გეგმიური 2,0 ათ.ლარი, ათვისებულია 600 ლარი.
 პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. პროგრამის ფარგლებში 2 მარტოხელა მშობელს გაეწია ერთჯერადი დაფინანსება.
- **06 02 10 „ომისა და სამხედრო ძალების ვეტერანთა ფინანსური დახმარება“** პროგრამის ბიუჯეტი შესრულებულია 76 %-ით. გეგმიური 23,0 ათ.ლარი, ათვისებულია 17,4 ათ. ლარი.
 პროგრამის განმახორციელებელია მუნიციპალიტეტის მერიის სოციალური და ჯანდაცვის სამსახური. დაფინანსება გაეწია 99 ომის და სამხედრო ძალების ვეტერანს.
- **06 02 11 „სოციალურად დაუცველი მოსახლეობის ზამთრის თბობისათვის ერთჯერადი ფულადი დახმარება“** შესრულებულია 51 %-ით, გეგმიური 50,0 ათ. ლარი, ათვისებულია 25,5 ლარი. საანგარიშო პერიოდში ზამთრის თბობისათვის ერთჯერადი ფულადი დახმარება გაიცა 197 ბენეფიციარზე.
- **06 02 12 „100 წლისა და 100 წელს გადაცილებულ ხანდაზმულ მოქალაქეთა ერთჯერადი ფინანსური დახმარება“** გეგმიური 100 ლარი, არ გაცემულა. მუნიციპალიტეტში დღეის მდგომარეობით 100 წლისა და 100 წელს გადაცილებული ბენეფიციარი არ ცხოვრობს.

- **06 02 13 ამბროლაურის მუნიციპალიტეტში რეგისტრირებული ბავშვის უფლებების დაცვისა და მხარდაჭერის პროგრამის** ბიუჯეტი შესრულებულია 100 %-ით. გეგმიური 23,5 ათ. ლარი; ათვისებულია 23,5 ათ. ლარი.

პროგრამის განმახორციელებელია მუნიციპალიტეტის მერიის ადმინისტრაციული სამსახურის ბავშვის უფლებების დაცვისა და მხარდაჭერის განყოფილება. 2022 წლის ცხრა თვის განმავლობაში პროგრამით ისარგებლა 47 ბენეფიციარმა.

ნაშთის ცვლილება:

ნაშთმა 2022 წლის 1 იანვრისათვის შეადგინა 1 610 896 ათ. ლარი.

01 ოქტომბრის მდგომარეობით ნაშთი შეადგენს 1 662 562 ათ. ლარს.